



საგარეჯოს

მუნიციპალიტეტის 2022 წლის  
ბიუჯეტის შესრულების ანგარიშის  
მოკლე გზამკვლევი

## სარჩევი:

რას მოიცავს 2022 წლის საგარეჯოს მუნიციპალიტეტის ბიუჯეტის შესრულების ანგარიში?	3
საგარეჯოს მუნიციპალიტეტის ბიუჯეტის შემოსულობები .....	4
საგარეჯოს მუნიციპალიტეტის ბიუჯეტის გადასახდელები .....	6
მუნიციპალიტეტის ბიუჯეტის ასიგნებების შესრულება .....	9
2022 წელს სოციალური დახმარების მიმართულებით გახარჯული ფინანსური სახსრები...	10
მუნიციპალიტეტის საკუთრებაში მყოფი იურიდიული პირების 2022 წლის ბიუჯეტების შესრულების მაჩვენებლები .....	14



## რას მოიცავს 2022 წლის საგარეჯოს მუნიციპალიტეტის ბიუჯეტის შესრულების ანგარიში?

საბიუჯეტო პროცესი საქართველოს საბიუჯეტო სისტემის განუყოფელი ნაწილია. საბიუჯეტო პროცესი არის საქართველოს საბიუჯეტო სისტემის მონაწილეთა საქმიანობა, რომელიც მოიცავს ბიუჯეტის პროექტის მომზადებას, წარდგენას, განხილვას, დამტკიცებას, დაზუსტებას, ბიუჯეტის შესრულებას, ანგარიშგებასა და კონტროლს. მუნიციპალიტეტის ბიუჯეტის პროექტის მომზადების, ბიუჯეტის შესრულებისა და ანგარიშგების პროცესის კოორდინაციას უწევს მუნიციპალიტეტის საფინანსო - საბიუჯეტო სამსახური.

მუნიციპალიტეტის აღმასრულებელი ორგანო ყოველი კვარტალის დასრულებიდან ერთი თვის ვადაში ამზადებს და საკრებულოს წარუდგენს ბიუჯეტის კვარტალურ მიმოხილვას ნაზარდი ჯამით, ხოლო საბიუჯეტო წლის დასრულებიდან 2 თვის ვადაში თვითმმართველობის წარმომადგენლობით ორგანოს წარედგინება გასული წლის ბიუჯეტის შესრულების წლიური ანგარიში.

**საქართველოს საბიუჯეტო კოდექსის შესაბამისად მუნიციპალიტეტის ბიუჯეტის შესრულების წლიური ანგარიში უნდა მოიცავდეს შემდეგ ინფორმაციას:**




- ა) ბიუჯეტის ბალანსი საბიუჯეტო კლასიფიკაციის მიხედვით;
- ბ) საბიუჯეტო კლასიფიკაციის მიხედვით შემოსულობებისა და გადასახდელების ფაქტიური შესრულების შედარებას წლიურ გეგმურ მაჩვენებლებთან;
- გ) ბიუჯეტის ანგარიშებზე არსებულ ნაშთებს წლის დასაწყისისათვის და წლის დასასრულისათვის;
- დ) პროგრამების მიხედვით დაზუსტებულ ასიგნებებსა და ფაქტობრივ თანხებს შორის შეუსაბამობის განმარტებას, თუ ეს სხვაობა აღემატება 30%-ს;

- ე) ინფორმაციას სარეზერვო და წინა წლებში წარმოქმნილი დავალიანებების დაფარვის შესახებ;
- ვ) პრიორიტეტების ფარგლებში განხორციელებული პროგრამების და ქვეპროგრამების აღწერას და მიღწეულ შედეგს;
- ზ) მუნიციპალიტეტის მიერ დაფუძნებული ააიპ-ების და შ.პ.ს.-ების ბიუჯეტის შესრულების წლიური მაჩვენებლებს.


## საგარეჯოს მუნიციპალიტეტის ბიუჯეტის შემოსულობები

მუნიციპალიტეტის 2022 წლის ბიუჯეტის შემოსულობების (შემოსავლები, არაფინანსური აქტივები, ფინანსური აქტივები, ვალდებულებების ზრდა) გეგმა განისაზღვრა 42343,9 ათასი ლარით, ფაქტიურმა შესრულებამ შეადგინა 46866,8 ათასი ლარი, ანუ გეგმის 111 %.




## 2022 წლის შემოსავლები

■ გადასახადები ■ გრანტები ■ სხვა შემოსავლები



## 2022 წლის შემოსულობები


■ შემოსავლები ■ არფინანსური აქტივების კლება



კოდი	დასახელება	2022 წლის დამტკიცებული ბიუჯეტი	2022 წლის დაზუსტებული ბიუჯეტი	2022 წლის დაზუსტებული ბიუჯეტის შესრულება	დამტკიც. ბიუჯეტის შესრულების %	დაზუსტ. ბიუჯეტის შესრულების %
	<b>შემოსულობები</b>	19853.7	42343.9	46866.9	236	111
1	<b>შემოსავლები</b>	19753.7	34243.9	37961.8	192	111
31	<b>არაფინანსური აქტივების კლება</b>	100.0	8100.0	8905.1	8905	110
1	<b>შემოსავლები</b>	19753.7	34243.9	37961.8	192	111
1.1	<b>გადასახადები</b>	17799.7	20135.0	21226.7	119	105
1.1.3.1.1.	<b>ქონების გადასახადი</b>	3500.0	4695.0	5225.4	149	111
1.1.4.1.1.1	<b>დამატებითი ღირებულების გადასახადი</b>	14299.7	15440.0	16001.3	112	104
1.3	<b>გრანტები</b>	245.0	12399.9	12254.4	5002	99
1.4	<b>სხვა შემოსავლები</b>	1709.0	1709.0	4480.7	262	262

## საგარეჯოს მუნიციპალიტეტის ბიუჯეტის გადასახდელები


2022 წლის განმავლობაში საგარეჯოს მუნიციპალიტეტის ბიუჯეტში ცვლილება შეტანილი იქნა რვაჯერ. 2022 წლის ბიუჯეტის ასიგნებები დამტკიცებულ ბიუჯეტთან შედარებით გაიზარდა 40 329,9 ათასი ლარით და განისაზღვრა 60 183,6 ათასი ლარით. საანგარიშო პერიოდის საკასო შესრულებამ შეადგინა 43 133,9 ათასი ლარი, რაც გეგმიური მაჩვენებლის 72 %-ია.




მუნიციპალიტეტის 2022 წლის ბიუჯეტით გამოყოფილი გადასახდელები ფუნქციონალური კლასიფიკაციის მიხედვით ასეთია:

ასიგნებების ფუნქციონალური კოდი	დასახელება	2022 წლის დამტკიცებული ბიუჯეტი	დაზუსტებული წლიური ბიუჯეტი	საკასო შესრულება	დამტკიცებული გეგმის შესრულების %	დაზუსტებული ბიუჯეტის შესრულების %
701	საერთო დანიშნულების სახელმწიფო მომსახურება	5198.6	6457.9	5572.9	107	86
702	თავდაცვა	140.0	195.0	192.7	138	99

704	ეკონომიკური საქმიანობა	1743.7	16400.0	12710.2	729	78
705	გარემოს დაცვა	1713.2	4145.8	2427.1	142	59
706	საბინაო-კომუნალური მეურნეობა	2670.3	14562.2	10602.0	397	73
707	ჯანმრთელობის დაცვა	534.4	1418.1	151.6	28	11
708	დასვენება, კულტურა და რელიგია	3098.9	8083.8	4333.5	140	54
709	განათლება	3177.5	7111.3	5585.3	176	79
710	სოციალური დაცვა	1577.1	1809.6	1558.6	99	86
	სულ	19853.7	60183.6	43133.9	217	72



## ბიუჯეტის გადასახდელები




საბიუჯეტო კლასიფიკაციის მიხედვით საგარეჯოს მუნიციპალიტეტის 2022 წლის ბიუჯეტის გადასახდელების მაჩვენებლები ასეთია: შრომის ანაზღაურებაზე გახარჯულია 3635,2 ათასი ლარი, გეგმის 100 %; საქონელი და მომსახურების ხარჯმა შეადგინა 5152,8 ათასი ლარი, გეგმის 5336,3 ათასი ლარის 90 %; პროცენტის ხარჯმა შეადგინა 26,4 ათასი ლარი, გეგმის 33,8 ათასი ლარის 78 %; სუბსიდიების ხარჯმა შეადგინა 7945,305 ლარი, გეგმის 8176,9 ათასი ლარის 97 %; გრანტებმა 226,4 ათასი ლარი, გეგმის 100 %; სოციალური უზრუნველყოფა დაფინანსებულია 1161,6 ათასი ლარით, გეგმის 1364,1 ათასი ლარის 85 %; სხვა ხარჯებმა შეადგინა 3794,4 ათასი ლარი გეგმის 4501,8 ათასი ლარის 84 %; არაფინანსური აქტივების ზრდის მუხლი დაფინანსდა 21138,5 ათასი ლარით, გეგმის 36462,1 ათასი ლარის 58 %-ით; ვალდებულებების კლება 53,3 ათასი ლარით გეგმის 54,0 ათასი ლარის 99 %.



## მუნიციპალიტეტის ბიუჯეტის ასიგნებების შესრულება

ასიგნებების შესრულება ბიუჯეტის პრიორიტეტების მიხედვით ასეთია:



ორგანიზაციული კოდი	პრიორიტეტების დასახელება	დამტკიცებული გეგმა	დაზუსტებული გეგმა			საკასო ხარჯი			შესრულების %			
			სულ	სხვა დონის ერთეულის ფონდიდან გამოყოფილი ტრანსფერი	საბიუჯეტო ფონდიდან გამოყოფილი ტრანსფერი	სულ	საბიუჯეტო ფონდიდან გამოყოფილი ტრანსფერი	სხვა დონის ერთეულის ფონდიდან გამოყოფილი ტრანსფერი	დამტკიცებული გეგმა	საბიუჯეტო ფონდიდან გამოყოფილი ტრანსფერი	საბიუჯეტო ფონდიდან გამოყოფილი ტრანსფერი	სხვა დონის ერთეულის ფონდიდან გამოყოფილი ტრანსფერი
01 00	მმართველობა და საერთო დანიშნულების ხარჯები	5338.6	6652.9	6513.8	139.1	5765.6	5626.5	139.1	108	87	86	100
02 00	ინფრასტრუქტურის განვითარება	4414.0	30962.2	18764.9	12197.4	23312.3	13364.8	9947.4	528	75	71	82
03 00	დასუფთავება და გარემოს დაცვა	1713.2	4145.8	3796.7	349.1	2427.1	2399.9	27.2	142	59	63	8
04 00	განათლება	3177.5	7111.3	5737.7	1373.6	5585.3	4392.1	1193.2	176	79	77	87
05 00	კულტურა, რელიგია, ახალგაზრდული და სპორტული ღონისძიებები	3098.9	8083.8	7901.9	181.9	4333.5	4174.4	159.1	140	54	53	87
06 00	ჯანმრთელობის დაცვა და სოციალური უზრუნველყოფა	2111.5	3227.7	3227.7	0.0	1710.2	1710.2	0.0	81	53	53	0

## 2022 წელს სოციალური დახმარების მიმართულებით გახარჯული ფინანსური სახსრები

საგარეჯოს მუნიციპალიტეტის მოსახლეობის სოციალური დახმარების 2022 წლის პროგრამა დაფინანსდა 1558,6 ათასი ლარით, მათ შორის:

1) პირველ და მეორე ახალდაბადებული ბავშვიანი სოციალურად დაუცველი ოჯახების დახმარების პროგრამიდან დაფინანსდა 21 ოჯახი სულ 7,0 ათასი ლარით, მათ შორის 1 ოჯახი მაღალმთიან დასახლებაში მუდმივად მცხოვრები სტატუსის მქონეა და დახმარება გაეწია 350 ლარის ოდენობით, 2 ოჯახს შეეძინა ტყუპები და დახმარება გაეწიათ 600 ლარით, დანარჩენი 18 ოჯახი დაფინანსდა 300 ლარის ოდენობით;

2) მრავალშვილიანი ოჯახების დახმარების პროგრამიდან დაფინანსდა 132 ოჯახი სულ 53,0 ათასი ლარით, მათ შორის 1 ოჯახი არის 8 შვილიანი და დახმარება გაეწია 800 ლარით, 6 ოჯახი 5 შვილიანია დახმარება გაეწიათ 500 ლარით, დანარჩენი ოჯახები დაფინანსდნენ 400 ლარის ოდენობით;

- 3) ბავშვთა კვების პროგრამით დაუფინანსდათ კვება ყოველთვიურად სიღარიბის ზღვარს მიღმა კრიზისულ მდგომარეობაში მყოფი და სოციალურად დაუცველი ოჯახების მონაცემთა ბაზაში რეგისტრირებულ 70 001-ზე ნაკლები სარეიტინგო ქულის მქონე ოჯახის ერთ წლამდე ასაკის 22 ბავშვს სულ 8,9 ათასი ლარის ოდენობით;
- 4) უდედმამო ბავშვების დახმარების პროგრამიდან დახმარება გაეწია 23 ბავშვს სულ 7,6 ათასი ლარით, მათ შორის: 3 უდედმამო ბავშვს 100 ლარის ოდენობით ყოველთვიურად მთელი წლის განმავლობაში, დედით ან მამით ობოლ 20 ბავშვზე დახმარება გაიცა ერთჯერადად 200 ლარის ოდენობით;
- 5) შშმ 18 წლამდე ბავშვთა დახმარების პროგრამიდან დახმარება გაეწია 85 ბავშვს ყოველთვიურად 50 ლარის ოდენობით სულ 49,3 ათასი ლარი;
- 6) შშმ პირის სტატუსის მქონე ბენეფიციართა სარეაბილიტაციო კურსის დაფინანსების პროგრამიდან გაიხარჯა 29,2 ათასი ლარი, დაფინანსდა 13 ბენეფიციარის სარეაბილიტაციო კურსი, შშმ პირთა სარეაბილიტაციო ცენტრის ბენეფიციართათვის განხორციელდა ტელევიზორის შესყიდვა და გადაცემა, აგრეთვე დაფინანსდა ცენტრის მიერ მოხმარებული ბუნებრივი აირის და ბენეფიციართა ტრანსპორტით მომსახურების ხარჯები;
- 7) მარტოხელა სტატუსის მქონე მშობლების დახმარების პროგრამიდან გაიცა სულ 3,6 ათასი ლარი, დახმარება გაეწია ერთჯერადად 200 ლარის ოდენობით 18 მარტოხელა დედას;
- 8) რეინტეგრირებული ოჯახების ერთჯერადი სოციალური (ფულადი) დახმარების პროგრამიდან 360 ლარით დაუფინანსდა მოხმარებული ბუნებრივი აირის დავალიანების ხარჯი 1 ოჯახს;
- 9) სოციალურად დაუცველი ოჯახებისთვის საყოფაცხოვრებო აუცილებელი ტექნიკის შეძენის პროგრამიდან 8 ოჯახისთვის საყოფაცხოვრებო ტექნიკის შესყიდვა-გადაცემის მიზნით გაიხარჯა 4,8 ათასი ლარი;
- 10) სამკურნალო და საოპერაციო ხარჯებით დახმარების პროგრამიდან დაფინანსდა 550 ბენეფიციარის ხარჯები 314,8 ათასი ლარის ოდენობით;
- 11) მედიკამენტების შეძენაზე დახმარების პროგრამიდან დაფინანსდა 562 ბენეფიციარის ხარჯები 192,8 ათასი ლარის ოდენობით;
- 12) ონკოლოგიურ პაციენტთა დახმარების პროგრამიდან დაფინანსდა 325 ბენეფიციარის ხარჯები 196,2 ათასი ლარის ოდენობით;
- 13) ბიკარბონატული ჰემოდიალიზი-თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების დაფინანსების პროგრამით ისარგებლა ჰემოდიალიზის სახელმწიფო პროგრამით მოსარგებლე 39 ბენეფიციარმა, რომელთაც ტრანსპორტის ხარჯის თანადაფინანსება 130 ლარის ოდენობით ერიცხებოდათ ანგარიშზე ბანკში ყოველთვიურად მთელი წლის განმავლობაში, გაიხარჯა სულ 50,1 ათასი ლარი;

14) ელექტრო ენერჯის და გაზის გადასახადის დაფინანსების პროგრამით 468 ბენეფიციარს დაუფინანსდათ ელექტროენერჯის ან გაზის ღირებულების ნაწილობრივი დაფარვა ყოველთვიურად, გაიხარჯა სულ 56,9 ათასი ლარი;

15) მოწყვლადი ჯგუფების გათბობის ხარჯით დახმარების პროგრამიდან გაიცა დახმარება სოციალურად დაუცველ ოჯახებზე (100 001 მდე სარიტინგო ქულა) ერთჯერადად საშემე მერქნის შესაძენი თანხა 50 ლარის ოდენობით, სიღარიბის ზღვარს მიღმა მყოფ და განსაკუთრებული საჭიროებების მქონე ოჯახს 100 ლარის ოდენობით, სულ 45,4 ათასი ლარი 894 ბენეფიციარზე;

16) სოციალურად დაუცველი მოწყვლადი ჯგუფებისთვის საკვების გაცემა დღესასწაულებზე 151,7 ათასი ლარი, ეს არის სხვადასხვა სახის საკვები პროდუქტების შეძენის ხარჯი, გადაეცათ შობის და აღდგომის დღესასწაულთან დაკავშირებით 1100 ბენეფიციარს, ნოვრუზ ბაირამის დღესასწაულთან დაკავშირებით მუნიციპალიტეტის ტერიტორიაზე მცხოვრები ეთნიკური უმცირესობის სოციალურად დაუცველ 200 ბენეფიციარს;

17) მოსახლეობის ტრანსპორტირების პროგრამით, რომელიც ითვალისწინებს სოფელი უდაბნოდან (კვირაში ორჯერ) და სოფელ სათაფლედან (კვირაში ერთხელ) ქალაქ საგარეჯოში სოციალურად დაუცველი მოსახლეობის ტრანსპორტირებას მთელი წლის განმავლობაში, აგრეთვე დახმარების პროგრამით გამოხზული აქტივობების ტრანსპორტირების განხორციელებას, გაიხარჯა 15,9 ათასი ლარი;

18) ხანდაზმულ (95 და მეტი წლის ასაკის) პირთა დახმარების პროგრამიდან გაიცა სულ 2,2 ათასი ლარი, დახმარება გაეწია 11 ხანდაზმულს ერთჯერადად 200 ლარის ოდენობით,

19) უპატრონო და სოც დაუცველი მიცვალებულთა სარიტუალო მომსახურების პროგრამის ხარჯმა შეადგინა 12,0 ათასი ლარი, დახმარება გაიცა უპატრონო მიცვალებულების, რომელთაც არ ჰყავთ არც ერთი რიგის მემკვიდრე, ლტოლვილის, საგარეჯოს მუნიციპალიტეტში არსებული შშმ პირთა და ხანდაზმულთა სათემო სახლში მცხოვრები მიუსაფარი პირების, საგარეჯოს მუნიციპალიტეტის ტერიტორიაზე გარდაცვლილი არაიდენტიფიცირებული და სოციალურად დაუცველი ოჯახის გარდაცვლილი პირის დაკრძალვის სარიტუალო ხარჯებისთვისთვის 300 ლარის ოდენობით, სულ 40 ბენეფიციარზე;

20) სიღარიბის ზღვარს მიღმა მყოფი ოჯახებისთვის დროებით სარგებლობაში გადაცემულ ფართებში მინიმალური საყოფაცხოვრებო პირობების შექმნა - გაიხარჯა 750 ლარი, რომელიც მოხმარდა ქ.საგარეჯოში კახეთის გზატკეცილი №19-ზე მდებარე საერთო საცხოვრებელი კორპუსის ეზოში არსებული სამი საკანალიზაციო ჭის გაწმენდის სამუშაოების ანაზღაურებას;

21) მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამით დაფინანსდა პროგრამით გათვალისწინებული 25 ბენეფიციარის ბინის ქირის ხარჯი თვეში 105, 27 ლარის ოდენობით, სულ 28,4 ათასი ლარი;

22) უმწეოთათვის უფასო სასადილოს დაფინანსება 293,5 ათასი ლარი, ეს არის ა(ა)იპ საგარეჯოს მუნიციპალიტეტის „სათნოების სახლის“ უფასო სასადილოების დაფინანსების ხარჯი, დახმარება გაიცემა ყოველდღიურად საკვების სახით სიღარიბის ზღვარს მიღმა კრიზისულ მდგომარეობაში მყოფ 220 ბენეფიციარზე;

23) ომის ვეტერანებისა და მათი ოჯახების დახმარების პროგრამა 2,8 ათასი ლარი, ფულადი დახმარება გაეწია დიდი სამამულო ომის მონაწილე 1 ვეტერანს, საქართველოს ტერიტორიული მთლიანობისათვის და დამოუკიდებლობისთვის საბრძოლო მოქმედებებში დაღუპულთა 5 ოჯახს და 2008 წლის 8 აგვისტოს ომში დაღუპულთა 2 ოჯახს;

24) წითელი ჯვრის დაფინანსების პროგრამით გაიხარჯა 15,0 ათასი ლარი, დაფინანსდა წითელი ჯვრის საგარეჯოს ფილიალი, რომელიც „ინტეგრირებულ საქმიანობათა ცენტრის“ ბაზაზე აქტიურად ახორციელებს მოწყვლადი ჯგუფების, მათ შორის ხანდაზმულების, განსაკუთრებული საჭიროებებისა და იძულებით გადაადგილებული პირების სოციალურ მხარდაჭერასა და კატასტროფების რისკის შემცირების შესაძლებლობების გაზრდაზე, მათ შორის მუნიციპალიტეტის ტერიტორიაზე მცხოვრები აზერბაიჯანული თემის უნარიანობის ამაღლებაზე ორიენტირებულ საქმიანობებს. იგი ასევე მუშაობს ახალგაზრდების გაძლიერების და მოხალისეთა ინიციატივების განვითარების მიმართულებით;

25) სტუდენტებისთვის სწავლის საფასურის დაფინანსების პროგრამით დაფინანსდა 15 სტუდენტის უმაღლეს საგამანათლებლო სასწავლებელში სწავლის საფასურის თანადაფინანსება და გაიხარჯა 14,7 ათასი ლარი;

26) მარჩენალდაკარგულ პირთა სოციალური დაცვის პროგრამა დაფინანსდა სულ 1,8 ათასი ლარით, ეს არის სამსახურებრივი მოვალეობის დროს დაღუპული 1 ოჯახის დახმარების ხარჯი თვეში 150 ლარის ოდენობით.

მუნიციპალიტეტის საკუთრებაში მყოფი იურიდიული პირების 2022 წლის ბიუჯეტების შესრულების მაჩვენებლები

ორგანიზაციული კოდი	დასახელება	2022 წლის გეგმა		2022 წლის ხარჯი		შესრულების %	
		დაფინანსება ბიუჯეტიდან	საკუთარი შემოსავალი	დაფინანსება ბიუჯეტიდან	საკუთარი შემოსავალი	დაფინანსება ბიუჯეტიდან	საკუთარი შემოსავალი
02 01 01 02	შპს საგარეჯო	502.9	52.0	454.2	2.8	90	5
02 02 02	ა(ა)იპ საგარეჯოს მუნიციპალიტეტის სასმელი წყლის რეგულირებისა და ლაბორატორიული კვლევის ცენტრი	578.0	0.0	552.8	0.0	96	0
03 01 02	შპს სუფთა მუნიციპალიტეტი 2018	1333.3	0.0	1317.2	0.0	99	0
04 01	ა(ა)იპ - საგარეჯოს სკოლამდელი აღზრდის დაწესებულებათა გაერთიანება	3076.1	0.0	2950.5	0.0	96	0
04 02 01	ა(ა)იპ საგარეჯოს სკოლისგარეშე დაწესებულებათა გაერთიანება	149.1	0.0	148.8	0.0	100	0
05 01 01 01	ა(ა)იპ - საგარეჯოს N105 კომპლექსური სასპორტო სკოლა	70.9	32.7	70.8	15.4	100	47
05 01 01 02	ა(ა)იპ - საგარეჯოს მუნიციპალიტეტის სპორტული გაერთიანება	578.1	6.1	577.1	2.3	100	39
05 01 01 03	ა(ა)იპ - რაგბის კლუბი ვეფხვები	376.0	266.5	376.0	255.4	100	96
05 01 01 04	შპს საფეხბურთო კლუბი საგარეჯოს გარეჯი	184.8	1369.0	184.8	1368.4	100	100
05 02 01 01	ა(ა)იპ „საგარეჯოს ჯემალ ბურჯანაძის სახელობის სამუსიკო სკოლა“	200.9	19.0	200.9	17.7	100	93
05 02 01 02	ა(ა)იპ კულტურის ობიექტების გაერთიანება	686.5	32.4	686.4	27.3	100	84
05 04	შ.პ.ს.საგარეჯოს მუნიციპალიტეტის საინფორმაციო გაზეთი „გარეჯის მაცნე“	45.8	5.7	45.8	1.8	100	32
06 01 01	ა.(ა).ი.პ. საგარეჯოს მუნიციპალიტეტის საზოგადოებრივი ჯანდაცვის ცენტრი	129.6	56.1	124.9	54.8	96	98
06 02 05	ა.(ა).ი.პ. საგარეჯოს სათნოების სახლი	307.0	0.0	293.5	0.0	96	0
	სულ	8219.0	1839.6	7983.7	1745.8	97	95

ბიუჯეტის შესრულების ანგარიშის მოკლე გზამკვლევი მომზადებულია საგარეჯოს მუნიციპალიტეტის მერიის საფინანსო - საბიუჯეტო სამსახურის მიერ